

currente, hemielytris vittula ad angulum scutellarem, vena clavi, vitta corii juxta suturam clavi, vena brachiali, plaga apicali apicem versus dilatata inter venam brachialem et cubitalem vittaque angusta exteriore juxta venam cubitalem aurantiaco-flavis; membrana fusca, venis connectente et cubitali aurantiacis, brachiali nigro-picea, areola minore maculaque infra apicem areolae majoris pallidis; antennis nigris, articulis ultimis fuscis, tertio dimidio basali flavo; pedibus aurantiacis, tibiis anterioribus apicem versus nigro-piceis, posticis nigro-piceis, ima basi aurantiacis, dimidio apicali cum tarsis albido-flaventibus. Long. ♀ $10\frac{1}{2}$ mm.

Camerun, D. Conradt 1899, tria specimina.

Caput (♀) vertice oculo paullo latiore, obsolete transversim impresso. Antennae articulo primo capite ab antico viso paullulum brevior, secundo primo circiter duplo et margine basali pronoti circiter $\frac{2}{5}$ longior. Pronotum basi quam apice fere triplo latius.

10. *Eurycyrtus Bellevoyei* Reut.

Reut., Öfv. Finska Vet.-Soc. Förh. XXI, p. 34, 6. Hem. Gymn. Eur. V, p. 1, T. I, fig. 22.

Massauih, D. Dr Levander (Mus. Helsingf.).

11. *Stenotus distinctus* n. sp.

Elongatus, superne cum hemielytris piceus vel rufopiceus, tenuiter pallido-pubescent, vertice postice, pronoto vitta media longitudinali marginibusque lateralibus medio, scutello, basi excepta, parte basali corii extra venam brachialem, clavo apice, cuneo, angulo interiore excepto, medio ventris, (antennis?), rostro pedibusque flavis, rostro articulis duobus apicalibus piceis, tibiis apice tarsisque nigris; capite ab antico viso leviter transverso, a latere viso altitudine basali parum longiore, clypeo basi cum fronte subconfluente, gula sat brevi; rostro coxas posticas parum superante, articulo primo medium xyphi prosterni paullo superante. Long. ♂ $5\frac{1}{2}$ mm.